



Réserve d'eau dans l'extrême Sud

Question Orale session CTC N° 2016/O1/021 relative aux Réserves d'eau dans l'extrême sud

Questions orale posée par Mr Paul André Colombani au nom du groupe Femu a Corsica:

Pouvez-vous nous faire un état des lieux de la situation générale actuelle concernant les réserves d'eau ? La situation nécessite-t-elle la mise en place de dispositions particulières ? Si oui, quelles sont-elles ? Enfin, plus particulièrement, quelles sont les perspectives de prévention de ce risque que peut mettre en place l'Office d'Equiptement Hydraulique de la Corse afin de pallier ce problème récurrent ?

Réponses de Mr Saveriu Luciani, conseiller exécutif :

O Sgiò Presidente, o sgiò Cunsiglieri, Caru amicu,

A vostra dumanda palesa una primura maiò, à livellu di e risorse in acqua di u nostru paese, è più largu chè cusì, in sta situazione di riscaldamentou climaticu propiu incertu chi tocca u Mediterraniu.

Tandi, si capisce bè ch'ellu hè sopr'à tuttu un quistunamentu legittimu, moltu più per un'elettu di sta regione di u Meziornu Stremu.

Sappiate chì a vostra regione hè approvistata d'estate, da dui matrali, quellu di U Spidali, d'una capacità di trè milioni è trecentu mila metri cubi è quellu di Talza, in Figari, cù cinque milioni è sette centu mila metri cubi.

Un passu in daretu per divvi ch'ùn hè piossu tantu d'auturnu è d'inguernu.

Conseguenze negative : à mezu ferraghju eramu si pò di à chì feremu, cù poc'acqua à U Spidali è solu 40 per centu in Figari. Avete forse rimarcatu chì à listessa epica, avia indiatu une poche d'azzione, à titulu cunservatoriu :

- Prima, a mubbilisazione specifica di l'agenti di l'Offiziu d'Ecchippamentu Idrolicu di Corsica, da ch'elli fianu un seguitu cuntinuvu di tutti i retali, da riduce e perdite o puru l'arrubbecciu.
- Dopu, aghju fattu riunione d'infurmazione cù l'agricultori, nant'à u situ di u matrale di Talza, è, u 24 di ferraghju, cù tutti l'eletti di a Cumunità di Cumune di u cusì dettu « Sud Corse » in Purtivechju. Dipoi, i servizii prefetturali si sò puru messi in ballu.
- Aghjustemu ch'in lu frattempu avia dumandatu u 18 di Ferraghju à u Prefettu, una derugazione per fà passà per anticipazione a presa di l'Asinua da l'addebitu riservatu inguernale (cinquanta litri à seconda) à l'addebitu riservatu statinale, vale à dì à quattordici litri à seconda. Sappiate chì u U Spidali cù l'acqua di l'Asinau.

Dipoi tandu, ancu di grazia, hè piossu è puru nivatu à pena ancu quaiò, per u più à l'entre marzu. A situazione hà pigliatu capu bonu, di manera significativa, postu chì oramai U Spidali hè pienu à settanta cinque per centu, sia dui milioni è mezu di metri cubi, è Figari ghjunghje à basi novanta per centu, sia cinque milioni è trecentu mila metri cubi. In logica, vole di ch'ellu ci seria micca risicu di scarsità per chist'annu, s'omu hè raggiunevule. Averia da firmà circa un milione è trecentu mila metri cubi per mezu'ottobre chì vene.

Ma puru, ci vole à fà casu chì s'ella vene impurtante a cunsumazione, chì sapete bè chì più cala a risorsa è più cala a qualità fisicachimica di l'acque, sopr'à tuttu in Figari.

D'altronde, s'ellu si viota u Spidali troppu in furia, ùn si puderà assicurà un'alimentazione cumpletta, solu à partesi da Figari.

Per faccila corta, ci tocca à fà casu, chì u veranu ripiglia a suprana è pare di più in più caldu.

Per contu nostru, o sgiò cunsiglieru, vi possu di chì l'Offiziu hà travagliatu in u sensu di a migliurazione di a situazione, fendu unepochi d'investimenti :

- Per indettu u rimpiazzamentu di tante canalizzazione difettose o vechje, è u sviluppu currelativu di a debbimetria, à u scopu di cresce a rendita in tutti i retali. Sappiate chì aspetta quantunque un bellu cartulare d'un milione è mezu, vutatu in lu 2013, aspetta sempre u finanziamentu di u PEI per cuntinuà sti travaglii.
- Ci hè dinò l'opera indiatu di migliurazione di i trasferimenti da garantisce per esempiu l'alimentazione cumpletta di a stazione di Nota, à partesi da u matrale di Figari. Chì vole di ? a custruzione d'un surpressore in Campiccioli

è parecchi chilometri di canalizzazione in 600; Dinò quì, sò operazione previste in u quattru di a terza cunvenzione d'appiicazione di u PEI.

Per compie, vi ricordu ch'è n'avemu abbuccatu una cuuperazione cù a Sardegna, nant'à e prublematiche di l'acqua in u Mediterraniu, è appruntemu una cunvenzione cù l'Università di Corsica, primurosi ch'è no simu di sviluppà a ricerca in sti tempi incerti di riscaldamentou climaticu.

Per cunclude è davvi infine un'antra strada ch'è no circhemu à apre, vi diceraghju chì a securisazione di a pruvista in acqua di u Meziornu Stremu seria di realizà un'antru matrale, forse nant'à u Cavu, chì custeria circa sessanta milioni d'euri. Quì ci vuleria un sforzu tamantu, chì, a sapemu bè, stu PEI ùn basterà manc'à pena à stabbilizzà a situazione generale per sti vint'anni à vene.

In tantu, per ciò chì tocca stu prugettu di matrale nant'à u Cavu, avemu principiatu i studii, ch'ellu ci vuleria à finisce è chì sò, elli, previsti in u quattru di sta terza cunvenzone di u PEI.

Eccu, o sgjò cunsigliu, per risponde à i vostri pensieri. Siate persuasu chì l'Offiziu d'Ecchippamentu Idrolicu di Corsica dà capu è derà sempre capu à e vostre primure cù

tutta a so forza è e so cumpetenze, per a vostra regione, ma ancu per l'altre regione di st'isula.

À ringraziavvi.